



অবিলম্বে প্রকাশের উদ্দেশ্যে: 12/7/2023

গভর্নর ক্যাথি হোকল

গভর্নর হোকল বিকাশমান প্রযুক্তি প্রস্তুতকরণ শিল্পখাতের চাকরির জন্য শিক্ষার্থীদের প্রস্তুত করতে সেন্ট্রাল নিউ ইয়র্কে রূপান্তরকারী বিনিয়োগ করলেন

মাইক্রনের 100 বিলিয়ন মার্কিন ডলার বিনিয়োগকে সামনে রেখে বিকাশমান প্রযুক্তি প্রস্তুতকরণ শিল্পখাতের জন্য শিক্ষার্থী ও অঞ্চলকে প্রস্তুত করার জন্য 74 মিলিয়ন মার্কিন ডলারের সিরাকিউজ STEAM হাই স্কুলের কাজ শুরু

উল্লেখজনক স্টেট অর্থায়ন দ্বারা সেন্ট্রাল নিউ ইয়র্কের প্রথম আঞ্চলিক টেকনিক্যাল হাই স্কুল সম্ভব হচ্ছে

পুরো স্টেটের স্কুল জেলাসমূহের জন্য আধুনিক প্রযুক্তি ফ্রেমওয়ার্ক সমর্থন করার জন্য নিউ ইয়র্ক স্টেট ও মাইক্রনের 4 মিলিয়ন মার্কিন ডলারের প্রতিশ্রুতি

**STEAM স্কুলের রেন্ডারিংসমূহ এখানে উপলভ্য আছে**

গভর্নর ক্যাথি হোকল আজকে সিরাকিউজ বিজ্ঞান, প্রযুক্তি, শিল্প এবং গণিত হাই স্কুলের (Syracuse Science, Technology, Arts and Math High School) কাজ শুরু করলেন, এটি সেন্ট্রাল নিউ ইয়র্কের প্রথম আঞ্চলিক টেকনিক্যাল হাই স্কুল, যা 71 মিলিয়ন মার্কিন ডলার স্টেট প্রতিশ্রুতির ফলে 2025 সালে খুলে দেওয়া হবে। গভর্নর হোকলের সাথে মাইক্রন টেকনোলজি, ইনকর্পোরেটেড (Micron Technology, Inc.), ইউনাইটেড টিচার্স ফেডারেশন (United Federation of Teachers, UFT), আমেরিকান টিচার্স ফেডারেশন (American Federation of Teachers, AFT), নিউ ইয়র্ক স্টেট ইউনাইটেড টিচার্স (New York State United Teachers, NYSUT) এবং স্থানীয় কর্মকর্তাগণ যোগদান করে। এছাড়াও গভর্নর ঘোষণা করেন যে, নিউ ইয়র্কের স্কুলজেলাগুলিকে সেমিকন্ডাক্টর এবং হাইটেক প্রস্তুতকরণে তাদের নিজস্ব পাঠ্যসূচি গঠনে সাহায্য করার জন্য নিউ ইয়র্ক স্টেট এবং মাইক্রন নিউ ইয়র্ক আধুনিক প্রযুক্তি ফ্রেমওয়ার্কে (New York Advanced Technology Framework) 4 মিলিয়ন মার্কিন ডলার বিনিয়োগ করবে। আজকের ঘোষণাটি সেন্ট্রাল নিউ ইয়র্ককে অঞ্চলের বিকাশমান প্রযুক্তি প্রস্তুতকরণ শিল্পখাতকে স্বাগত জানাতে প্রস্তুত করার জন্য নিউ ইয়র্ক স্টেট, ব্যবসা, এবং শ্রমিক নেতাদের মধ্যকার অব্যাহত সহযোগিতাকে তুলে ধরে।

"সেন্ট্রাল নিউ ইয়র্কে আমরা যেই বিনিয়োগ করছি তার মাধ্যমে আমরা শিক্ষার্থীদের জন্য শিক্ষার সুযোগ সম্প্রসারিত করছি এবং একই সাথে নিশ্চিত করছি যাতে মাইক্রনের রূপান্তরকারী প্রকল্পের মাধ্যমে আগত চাকরি ও সুযোগকে স্বাগত জানানোর জন্য অঞ্চলটি প্রস্তুত থাকে,"

**গভর্নর হোকল বলেন।**"হাইটেক শিক্ষা এবং আধুনিক প্রস্তুতকরণে বিনিয়োগ করার মাধ্যমে, আমরা নিশ্চিত করতে পারবো যাতে আগামী প্রজন্মের নিউ ইয়র্কবাসীরা ভবিষ্যতের চাকরির পদ পূরণ করার জন্য প্রস্তুত থাকে। নিউ ইয়র্কে একটি বৈশ্বিক চিপ তৈরির কেন্দ্র গঠন করার জন্য আমরা প্রতিশ্রুতিবদ্ধ।"

সিরাকিউজ বিজ্ঞান, প্রযুক্তি, প্রকৌশল, শিল্প, এবং গণিতের (Science, Technology, Engineering, Arts and Math, STEAM) স্কুলটি সেন্ট্রাল নিউ ইয়র্কের প্রথম আঞ্চলিক টেকনিক্যাল স্কুল হবে এবং এটি ডাউনটাউন সিরাকিউজের নতুনভাবে পুনর্বাসিত সেন্ট্রাল টেক (Central Tech) স্কুল ভবনে অবস্থিত হবে। স্কুলটি যথাযথ STEAM কেন্দ্রিক পাঠ্যসূচি প্রদান করবে যার সাথে শিল্পখাত এবং উচ্চতর শিক্ষার অংশীদারিত্বের একটি ব্যাপ্তি জোটবদ্ধ হবে, ইন্টার্নশিপ, মেন্টরিং, চাকরির শ্যাডোয়িং, এবং কলেজ পর্যায়ের কোর্সওয়ার্কের সুযোগ প্রদান করবে। হাই স্কুলটি সেন্ট্রাল নিউ ইয়র্কের শিক্ষার্থীদেরকে অঞ্চলের বিকাশমান হাইটেক প্রস্তুতকরণ শিল্পখাতের চাকরির জন্য প্রস্তুত হতে সাহায্য করবে। স্টেট এই প্রকল্পে 71 মিলিয়ন মার্কিন ডলার প্রদানের প্রতিশ্রুতি প্রদান করেছে, সেই সাথে আছে এম্পায়ার স্টেট ডেভেলপমেন্টের (Empire State Development, ESD) সাথে মাইক্রনের [সম্প্রদায়ে বিনিয়োগ ফ্রেমওয়ার্কের \(Community Investment Framework\)](#) অংশ হিসেবে স্কুল ও অন্যান্য STEM সম্পর্কিত K-12 কর্মসূচিতে কোম্পানির 10 মিলিয়ন মার্কিন ডলারের প্রতিশ্রুতি এবং আমাজনের (Amazon) 1.75 মিলিয়ন ডলারের প্রতিশ্রুতি।

একটি বিশ্বমানের শিক্ষা ব্যবস্থা গঠন করতে এবং শিক্ষার্থীরা যাতে ভবিষ্যতের চাকরির পদ পূরণ করতে পারে তা নিশ্চিত করতে গভর্নরের প্রয়াসের একটি অংশ হিসেবে, গভর্নর হোকল এছাড়াও একটি প্রযুক্তি মেধার পাইপলাইন তৈরি করতে এবং শিক্ষার্থীদের হাই টেক চাকরি ও ক্যারিয়ারের পথে নিয়ে যেতে নিউ ইয়র্ক স্টেট ও মাইক্রনের একটি 4 মিলিয়ন মার্কিন ডলারের বিনিয়োগ ঘোষণা করেছেন। সেমিকন্ডাক্টর এবং হাই টেক প্রস্তুতকরণে মিডল স্কুল এবং হাই স্কুলগুলিকে নিজস্ব পাঠ্যসূচি তৈরিতে সাহায্য করার জন্য শিক্ষাবিদ এবং শিল্পখাতের দক্ষ ব্যক্তির [নিউ ইয়র্ক আধুনিক প্রযুক্তি ফ্রেমওয়ার্ক](#) গঠন করেছে। পাইলট প্রকল্পটি স্কুল জেলাগুলিকে অন্যান্য নিউ ইয়র্ক শিক্ষাবিদের সাথে সহযোগিতায় তাদের নিজেদের তৈরি করা পাঠ্যসূচির মাধ্যমে অত্যাধুনিক ক্যারিয়ারভিত্তিক শেখার সুযোগ প্রদান করতে দিবে।

### **সেন্ট্রাল নিউ ইয়র্কে বিনিয়োগ**

আজকের ঘোষণাটি সেন্ট্রাল নিউ ইয়র্কে আধুনিক প্রস্তুতকরণে উল্লেখজনক বিনিয়োগের অনুবর্তী। অক্টোবর মাসে সেন্ট্রাল নিউ ইয়র্কে একটি মেগাফ্যাব ক্যাম্পাস গঠনের জন্য এবং প্রায় 50,000 নিউ ইয়র্ক চাকরি তৈরির জন্য আগামী 20 বছরের বেশি সময় ধরে মাইক্রনের 100 বিলিয়ন মার্কিন ডলারের ঐতিহাসিক [বিনিয়োগের এক বছর পূর্তি](#) হয়। ঘোষণার পর থেকে, গভর্নর হোকল সম্প্রদায়ে মাইক্রনের আগমনের প্রস্তুতি গ্রহণ করতে ও বিনিয়োগ অব্যাহত রাখতে স্থানীয়, স্টেট এবং ফেডারেল অংশীদারদের সাথে ঘনিষ্ঠভাবে কাজ করেছেন।

- 2023 সালের অক্টোবর মাসে, গভর্নর হোকল ওনোন্ডাগা কমিউনিটি কলেজে (Onondaga Community College) 15 মিলিয়ন মার্কিন ডলারের, 5,000 বর্গফুটের মাইক্রন ক্লিনরুম সিমুলেশন ল্যাবের ([Micron Cleanroom Simulation Lab](#)) [পরিকল্পনা](#)

উন্মোচন করেন, যা সেন্ট্রাল নিউ ইয়র্কের শিক্ষার্থীদের মাইক্রনের চাকরির জন্য প্রশিক্ষণ গ্রহণে সাহায্য করবে।

- মাইক্রনের কর্মীদের নির্ভরযোগ্য ও সাশ্রয়ী চাইল্ড কেয়ার প্রদান করার জন্য গভর্নর হোকল মাইক্রনের সাথে কাজ অব্যাহত রেখেছেন, যার মধ্যে আছে মাইক্রনের ক্লে ক্যাম্পাসে ভবিষ্যতের অনসাইট চাইল্ড কেয়ার বিকল্প।
  - মাইক্রন উল্লেখজনক বিনিয়োগ করেছে যা সেন্ট্রাল নিউ ইয়র্কের পরিবারসমূহের জন্য লাভবান হবে, যার মধ্যে আছে উচ্চমানের চাইল্ড কেয়ার এবং অঞ্চলের সুবিধাবঞ্চিত সম্প্রদায়সমূহের জন্য শৈশবে শিক্ষার অ্যাক্সেস সম্প্রসারিত করার জন্য সেন্ট্রাল নিউ ইয়র্ক YMCA এর জন্য 500,000 মার্কিন ডলার।
  - এছাড়াও মাইক্রন শৈশবের শুরুতে ক্যারিয়ার পথ বাছাই কর্মসূচির (Early Childhood Career Pathways Program) অর্থায়ন ঘোষণা করেছে, যা চাইল্ডকেয়ার সলিউশন (Childcare Solutions) এবং পিস ইনকর্পোরেশন (PEACE Inc.) দ্বারা পরিচালিত হবে এবং ফ্যামিলি হোম চাইল্ড কেয়ার কেন্দ্রসমূহকে সম্প্রসারিত করবে।
- গভর্নর হোকল 500 মিলিয়ন মার্কিন ডলারের সম্প্রদায় বিনিয়োগ তহবিলের জন্য বিনিয়োগ কৌশলের নির্দেশনা প্রদানের জন্য মাইক্রন সম্প্রদায় জড়িতকরণ কমিটি (Micron Community Engagement Committee) স্থাপন করেছেন। কমিটি কয়েক শত বাসিন্দার সাথে দেখা করেছে এবং মাইক্রনের উপস্থিতি কীভাবে অঞ্চলকে সাহায্য করতে পারে সেই ব্যাপারে শোনা ও শেখা অব্যাহত রেখেছে।

### হাইটেক প্রস্তুতকরণকে সমর্থন

নিউ ইয়র্কবাসীকে হাই টেক প্রস্তুতকরণ চাকরির জন্য প্রস্তুত করতে এবং স্টেটকে সেমিকন্ডাক্টর হাব হিসেবে প্রতিষ্ঠা করতে গভর্নর হোকল কর্মীবাহিনী বিকাশ এবং শিক্ষা কর্মসূচিতে বিনিয়োগ অব্যাহত রেখেছেন।

- অর্থবছর 2024 বাজেটের অংশ হিসেবে, গভর্নর হোকল গভর্নরের সেমিকন্ডাক্টর সম্প্রসারণ, ব্যবস্থাপনা, এবং জড়িতকরণ অফিস (Governor's Office of Semiconductor Expansion, Management, and Integration, GO SEMI) তৈরির জন্য 45 মিলিয়ন মার্কিন ডলার বিনিয়োগ নিশ্চিত করেছেন, এটি হলো মাইক্রন প্রকল্প বাস্তবায়ন করার জন্য এবং সেমিকন্ডাক্টর শিল্পখাত ও সরবরাহ চেইনকে আকৃষ্ট করার জন্য নীতিমালা বিকাশ ও অগ্রসর করার জন্য প্রয়াসসমূহের নেতৃত্ব দিতে ও কেন্দ্রীভূত করার জন্য একটি নতুন স্টেট অফিস।
- নিউ ইয়র্ক স্টেট ইউনিভার্সিটির (State University of New York, SUNY) পলিতে (Poly) উন্নয়নকাজ সমর্থন করার জন্য গভর্নর হোকল একটি 44 মিলিয়ন মার্কিন ডলারের স্টেট বিনিয়োগ ঘোষণা করেছেন, যার মধ্যে রয়েছে কর্মীবাহিনী বিকাশের জন্য একটি সেমিকন্ডাক্টর প্রক্রিয়াজাতকরণ ল্যাব তৈরি করা এবং একটি রোবোটিক্স এবং আধুনিক প্রস্তুতকরণ গবেষণা ও শিক্ষা ল্যাব স্থাপন করা।

- ভবিষ্যতের চাকরির জন্য নিউ ইয়র্কের কর্মীবাহিনীকে প্রস্তুত করার জন্য গভর্নর হোকল 350 মিলিয়ন মার্কিন ডলারের [প্রতিশ্রুতি প্রদান করেছেন](#), যার মধ্যে আছে ESD এর অধীনস্থ 150 মিলিয়ন মার্কিন ডলারের কৌশলী কর্মীবাহিনী বিকাশ অফিস (Office of Strategic Workforce Development), যা কর্মীবাহিনী বিকাশ প্রয়াসকে আজকের চাকরিদাতাদের চাহিদা ও অগ্রাধিকারের সাথে আরো মানানসই করতে সাহায্য করে।

**স্টেটের শিক্ষা কমিশনার বেটি এ. রোজা বলেন,** "শিক্ষাকে উদ্ভাবনের দিকে নিয়ে যাওয়ার জন্য STEAM কর্মসূচি এবং কৌশলী শিল্পখাতের অংশীদারিত্ব অনুঘটক হিসেবে কাজ করে। সিরাকিউজ STEAM হাই স্কুলে প্রদান করা এ ধরনের কর্মসূচির মাধ্যমে প্রাতিষ্ঠানিক শিক্ষা এবং শিল্পখাতের চাহিদার মধ্যকার শূন্যস্থান পূরণ করে আমরা অর্থনৈতিক বিকাশ ও প্রযুক্তিগত অগ্রগতি চালনার জন্য প্রয়োজনীয় দক্ষতাসম্পন্ন একটি কর্মীবাহিনীর বিকাশ করতে পারি। সকল শিক্ষার্থীর জন্য শিক্ষাগত সুযোগ এবং P-20 ধারাবাহিকতায় উদ্ভাবনের অ্যাক্সেস বৃদ্ধি করার ক্ষেত্রে এই প্রকল্পটি একটি দুর্দান্ত উদাহরণ। শিক্ষাখাতে আমাদের অংশীদারদের এবং গভর্নর হোকলের সহযোগিতায় আমরা ভবিষ্যতের জন্য এমন একটি পথ তৈরি করছি যেখানে শিক্ষা অর্থনৈতিক সমৃদ্ধির সাথে আরো নির্বিঘ্নে মিলে যেতে পারবে।"

**স্টেটের সিনেটর রযাচেল ময় বলেন,** "সেন্ট্রাল টেক হাই স্কুলটি পুরো অঞ্চলের শিক্ষার্থীদের জন্য একটি রূপান্তরমূলক সুযোগ হবে, তাদেরকে গ্র্যাজুয়েশনের পর একটি ক্যারিয়ার গঠনের সরাসরি পথ প্রদান করবে। সেজন্য সিনেটে আমার দায়িত্ব গ্রহণের প্রথম দিন থেকেই আমি এর জন্য অ্যালবানিতে লড়াই করেছি। শিক্ষার্থীরা অন্যান্য বিষয়ের পাশাপাশি পারফর্মিং আর্টস, রোবোটিক্স, এবং ডেটা অ্যানালিটিক্সে মনোনিবেশ করতে পারবে। সংখ্যাগরিষ্ঠ নেতা অ্যান্ড্রিয়া স্টুয়ার্ট কাজিন্সের দৃঢ় সমর্থন নিয়ে সিরাকিউজে অনন্য এই শিক্ষার পরিবেশ তৈরি সম্ভব করতে আমার সহকর্মীদের সাথে কাজ করতে পেরে আমি গর্বিত।"

**স্টেটের সিনেটর জন ডব্লিউ. ম্যানিয়ন বলেন,** "STEAM হাই স্কুল সিরাকিউজ এবং সেন্ট্রাল নিউ ইয়র্কের ভবিষ্যতে একটি গুরুত্বপূর্ণ প্রভাব ফেলবে। এই শিক্ষামূলক এবং শহুরে পুনরুজ্জীবন প্রকল্পের সময়সূচি সেমিকন্ডাক্টর শিল্পখাতের কর্মীবাহিনীর চাহিদা পূরণ করতে অন্যান্য চলমান উদ্যোগের সাথে নিখুঁতভাবে মিলে যায়। গভর্নর হোকলের নেতৃত্ব এবং পুরো সরকারজুড়ে অংশীদারিত্বের কারণে, সিরাকিউজ এবং ওনোন্ডাগা-কর্টল্যান্ড-ম্যাডিসন (Onondaga-Cortland-Madison, OCM) সমবায় শিক্ষা সেবা বোর্ড (Board of Cooperative Educational Services, BOCES) এর শিক্ষার্থীদের কাছে বিজ্ঞান, প্রযুক্তি, প্রকৌশল, শিল্প, এবং গণিতের বিকাশমান ক্ষেত্রসমূহে সফল হওয়ার জন্য তাদের প্রয়োজনীয় সংস্থান থাকবে।"

**অ্যাসেম্বলি সদস্য উইলিয়াম ম্যাগনারেলি বলেন,** "সেন্ট্রাল নিউ ইয়র্কের STEAM স্কুলের অ্যাসেম্বলি বিধিমালায় স্পন্সর হিসেবে এবং পুরোনো সেন্ট্রাল টেকের সংস্কারের স্টেট অর্থায়ন অনুমোদন প্রদানকারী হিসেবে, এই কাজ শুরু হতে দেখে আমি অত্যন্ত আনন্দিত। সিরাকিউজ সিটি স্কুল জেলা আঞ্চলিক STEAM স্কুলটি সেন্ট্রাল নিউ ইয়র্কের শিক্ষার্থীদের বিজ্ঞান, প্রযুক্তি, প্রকৌশল, শিল্প এবং গণিতে সেরামানের শিক্ষা প্রদান করবে।"

**অ্যাসেম্বলি সদস্য অ্যাল স্টিপে বলেন,** "আমাদের শিশু এবং আমাদের অঞ্চলের ভবিষ্যতে এই বিনিয়োগে গভর্নর ও মাইক্রনের নেতৃত্বের জন্য আমি তাদের ধন্যবাদ জানাতে চাই। প্রযুক্তি ও প্রস্তুতকরণের সংগমস্থলের একটি শিল্পখাতের সেরা হয়ে উঠার জন্য আমাদের সম্প্রদায়ের

কাজে এটি আরেকটি অগ্রগামী ধাপ। দিগন্তে ভালো বেতনের চাকরি দেখা যাচ্ছে, এবং আমাদের স্কুল ও শিশুরা যাতে এর জন্য প্রস্তুত থাকে সেক্ষেত্রে এটি সাহায্য করবে।"

**ওনোল্ডাগা কাউন্টি নির্বাহী রায়ান ম্যাকমাহন বলেন,** "প্রথম দিন থেকেই আমার প্রশাসন এমন বিনিয়োগকে সনাক্ত ও অগ্রাধিকার প্রদান করেছে যা আমাদের শিশুদের আজকে ও আগামীর চাকরির জন্য প্রস্তুত হতে সাহায্য করবে। মেয়র ওয়ালশ এবং নিউ ইয়র্ক স্টেটের সাথে অংশীদারিত্বে সেন্ট্রাল টেকে নিউ ইয়র্ক স্টেটের প্রথম কাউন্টিব্যাপী STEAM স্কুল তৈরিতে আমরা অবিলম্বে কাজ শুরু করি। আজকে সেইসব প্রয়াসের পরিণাম পাওয়া গেছে এবং ভবিষ্যতে কী হবে তা দেখার জন্য আমি উদগ্রীব।" ম্যাকমাহন আরো বলেন, "নজিরবিহীন এই প্রতিশ্রুতি এছাড়াও বেসরকারি খাতে আমাদের বন্ধুদের মনোযোগ আকৃষ্ট করেছে এবং গুরুত্বপূর্ণ এই প্রকল্পে তাদের প্রতিশ্রুতির জন্য আমি আমাজন ও মাইক্রনকে ধন্যবাদ জানাতে চাই এবং সেন্ট্রাল টেকের শ্রেণীকক্ষ থেকে আগামী দিনের মেধাবী কর্মীবাহিনী তৈরি হতে দেখার জন্য আমি উন্মুখ।"

**সিরাকিউজের মেয়র বেন ওয়ালশ বলেন,** "STEAM হাই স্কুলের কাজ শুরু হওয়া হলো সিরাকিউজ সার্জের আরো অগ্রগতির প্রমাণ, এটি নিউ ইকোনমির অন্তর্ভুক্তিকর বিকাশের জন্য আমাদের কৌশল। দীর্ঘদিন ধরে খালি পড়ে থাকা সেন্ট্রাল টেক হাই স্কুলকে একটি অত্যাধুনিক আঞ্চলিক শিক্ষা কেন্দ্র হিসেবে রূপান্তর করা হলে তা শহুরে এবং সবার্বান স্কুল জেলাসমূহের মধ্যকার দীর্ঘদিনের শিক্ষা প্রতিবন্ধকতা ভেঙে ফেলবে এবং আমাদের তরুণেরা যাতে তাদের নিজেদের হোমটাউনেই ভবিষ্যতের ক্যারিয়ার সুযোগ কাজে লাগানোর জন্য আরো ভালোভাবে প্রস্তুত থাকে তা নিশ্চিত করবে। এই প্রকল্পে তাদের অবিচল সমর্থনের জন্য আমি গভর্নর হোকল এবং আমাদের স্টেটের আইনসভার প্রতিনিধি দলকে ধন্যবাদ জানাচ্ছি। সিরাকিউজ STEAM স্কুলের প্রতি তাদের প্রতিশ্রুতি আগামী প্রজন্মসমূহের জীবন উন্নত করবে।"

**সিরাকিউজ সিটি স্কুল জেলার সুপারিন্টেনডেন্ট অ্যান্ড্রু ডেভিস বলেন,** "সিরাকিউজ STEAM স্কুলের কাজ শুরু করা আমাদের সম্প্রদায়ের জন্য একটি বিশাল অগ্রগামী ধাপ, যা পুরোনো সেন্ট্রাল টেক ভবনকে পুনরুজ্জীবিত করে এবং আমাদের শিক্ষার্থীদেরকে আমাদের অঞ্চলের আসন্ন হাই টেক চাকরির শূন্যস্থান পূরণের জন্য প্রস্তুত করে। সেন্ট্রাল নিউ ইয়র্কের ভবিষ্যৎ আমাদের তরুণদের নিয়ে শুরু হইয়া এবং সিরাকিউজ ও আমাদের স্কুলগুলির প্রতি স্টেটের প্রতিশ্রুতির কারণে আমি গভর্নর হোকলকে ধন্যবাদ জানাতে চাই।"

**মাইক্রনের নির্বাহী ভাইস প্রেসিডেন্ট এবং প্রধান মানব কর্মকর্তা, এবং মাইক্রন ফাউন্ডেশনের (Micron Foundation) প্রেসিডেন্ট এপ্রিল আর্নজেন বলেন,** "আজকের কাজ শুরু করার অনুষ্ঠানে সরকার, শিক্ষা এবং শিল্পখাতের অংশীদারদের সাথে যোগ দিতে পারা একটি সম্মানের ব্যাপার। CHIPS এবং বিজ্ঞান আইনের (CHIPS and Science Act) তহবিলের সমর্থন নিয়ে, সম্প্রদায় এবং কর্মীবাহিনীর বিকাশের প্রতি মাইক্রনের ঐতিহাসিক প্রতিশ্রুতি পুরো নিউ ইয়র্কে হাজার হাজার চাকরি তৈরি করবে। হাই টেক চাকরিতে সকল ব্যাকগ্রাউন্ডের শিক্ষার্থীদের সফলতার জন্য প্রস্তুত করবে এমন একটি শিক্ষা ইকোসিস্টেম গঠন করার কাজ সিরাকিউজ STEAM স্কুলের মতো স্কুলে শুরু হয়, যা অংশীদারদের একটি বিস্তৃত ইকোসিস্টেম দ্বারা চালিত হয়। সিরাকিউজ STEAM স্কুলে এবং সেন্ট্রাল নিউ ইয়র্ক অঞ্চলের অন্যান্য STEM সম্পর্কিত K-12 কর্মসূচিতে 10 বছরে 10 মিলিয়ন মার্কিন ডলার বিনিয়োগ করতে পেরে, এবং

নিউ ইয়র্ক আধুনিক প্রযুক্তি ফ্রেমওয়ার্ক দ্বারা ক্ষমতায়িত একটি প্রযুক্তি মেধার পাইপলাইন তৈরি করার জন্য একটি 4 মিলিয়ন মার্কিন ডলারের বিনিয়োগে নিউ ইয়র্ক স্টেটের সাথে অংশীদারিত্ব করতে পেরে মাইক্রন গর্বিত।"

**আমাজনের অর্থনৈতিক বিকাশের সিনিয়র ব্যবস্থাপক ব্র্যাড গ্রিগস বলেন,** "সিরাকিউজ এবং সেন্ট্রাল নিউ ইয়র্ক একটি প্রযুক্তি রূপান্তরের মধ্যে রয়েছে যা বহু প্রজন্মের জন্য অঞ্চলটিকে টিকিয়ে রাখবে ও বিকশিত করবে। STEAM স্কুলকে বাস্তব করতে সাহায্য করার এবং সিরাকিউজের শিক্ষার্থীদের জন্য উজ্জ্বল ভবিষ্যৎ ও ক্যারিয়ারের পথ তৈরির একটি অনুঘটক হতে পেরে আমরা গর্বিত।"

**AFT প্রেসিডেন্ট র্‌যান্ডি ওয়েইনগার্টেন বলেন,** "আজকের ঘোষণাটি এ ধরনের প্রথম এবং দেশের জন্য একটি আদর্শ, এখানে শিক্ষার্থীদের অভিপ্রায় ও কৌতূহলকে উদ্দেশ্যের সাথে যুক্ত করে দিতে, ভালো, মধ্যবিত্ত শ্রেণীর চাকরির ক্যারিয়ারের পথ তৈরি করে দিতে শিক্ষাবিদ এবং তাদের ইউনিয়নসমূহ সরকার ও শিল্পখাতের সাথে হাতে হাতে মিলিয়ে কাজ করেছে। অনন্য এই ফ্রেমওয়ার্কটি শিক্ষার্থীদেরকে আরো নিবিড় শিক্ষার সাথে জড়িত করবে, যেমন তথ্য বিশ্লেষণ করা, যুক্তিমূলক চিন্তা, এবং জ্ঞান প্রয়োগ করা এবং একই সাথে তাদের বাস্তব জীবনের দক্ষতা প্রদান করবে। এটি যে নিউ ইয়র্কে আমার হোম স্টেটে হচ্ছে তার জন্য, এবং শিশুদের ও সম্প্রদায়ের জন্য শিশুদের কলেজ, ক্যারিয়ার, নাগরিক অংশগ্রহণ, এবং জীবনের জন্য প্রস্তুত করে এমন বাস্তব সমাধানের প্রতি আমাদের একক ভিশনে স্থাপিত একটি বলিষ্ঠ প্রযুক্তি প্রতিভার পাইপলাইন তৈরির জন্য গভর্নর হোকল ও মাইক্রনের প্রতিশ্রুতির জন্য আমি গর্বিত।"

**UFT প্রেসিডেন্ট মাইকেল মালগ্রিউ বলেন,** "হাই টেক শিল্পখাতের পরবর্তী প্রজন্মের প্রতিভা প্রয়োজন। কিন্তু এর আগে নিউ ইয়র্ক শিক্ষার্থীদেরকে সবথেকে নতুন হাই টেক চাকরি ও ক্যারিয়ারের সাথে সেভাবে সংযুক্ত করে দিতে পারেনি। এইসব নতুন শিল্পখাতে নেতৃত্ব দানের জন্য আমাদের শিক্ষার্থীদেরকে প্রয়োজনীয় বাস্তব জীবনের অভিজ্ঞতা প্রদান করবে এমন স্কুল তৈরির জন্য আমাদের স্টেট, ফেডারেল এবং শিল্পখাতের অংশীদারদের সাথে থাকতে পেরে আমরা গর্বিত।"

**NYSUT প্রেসিডেন্ট মেলিন্ডা পার্সন বলেন,** "শিক্ষার্থীদের ভবিষ্যতের ক্যারিয়ারের জন্য প্রস্তুত করবে এমন শ্রেণীকক্ষ তৈরির জন্য স্টেট, স্থানীয় এবং ফেডারেল পর্যায়ে আমাদের অংশীদারদের সাথে একত্রিত হতে পেরে NYSUT সম্মানিত বোধ করছে। নিউ ইয়র্ক সিটি থেকে সিরাকিউজ পর্যন্ত, আমরা ইতিমধ্যে পরীক্ষামূলক, হাতে কলমে শিক্ষা কর্মসূচির মাধ্যমে দারুণ সাফল্য দেখেছি যেখানে যুক্তিমূলক চিন্তা, শিশুদের স্বভাবজাত কৌতূহল বৃদ্ধি করা, এবং সন্তোষজনক চাকরির জন্য তাদের একটি স্পষ্ট পথ প্রদান করার উপর জোর দেওয়া হয়েছে। আমাদের শিক্ষাবিদরা জানে যে শুরুতেই এইসব বাস্তব জীবনের দক্ষতা গঠন করা কাজে লাগে, এবং তাদের অভিজ্ঞতা নতুন এই ফ্রেমওয়ার্কের একটি অত্যাবশ্যকীয় অংশ যা পুরো নিউ ইয়র্ক স্টেটে আমাদের স্কুল, পরিবার এবং সম্প্রদায়সমূহকে বলীয়ান করবে।"

###